



Die Hoër Tegnologiese Skool John Vorster

10 FEBRUARIE 2021

Geagte Ouer/Voog

COVID 19: VEILIGHEIDSMATREËLS BUITE EN OP DIE SKOOLTERREIN

Met die skool wat weer binnekort heropen, is dit noodsaaklik dat sekere volhoubare matreëls in plek gestel word om te verseker dat ons gemeenskap en leerders veilig bly en ons die skooljaar sonder enige verdere onderbrekings kan voltooi.

U kind behoort ook reeds oor 'n USERNAME en WAGWOORD vir die gebruik op Microsoft Teams, te beskik. Microsoft Teams is ons aanlynplatform. Indien u kind dit nie het nie, moet u so gou moontlik met mnr. Broodriek by sport@htsjv.co.za kontak maak, voordat die skool 'n aanvang neem

Dit is ook van kardinale belang dat u en u kind, juisself vergewis van die Covid 19-regulasies, vir ons almal en u kind, se veiligheid.

Kom ons kyk weer hoe ons die COVID 19-verspreiding effektief kan bekamp.

- Bly tuis as jy siek is,
- Nies en hoës in jou elmboog,
- Was jou hande gereeld en deeglik,
- Maak oppervlakke gereeld skoon,
- Verminder enige fisiese kontak met ander mense,
- Dra 'n masker. Personeel en leerders sal verplig word om 'n masker wat voldoen aan die Departement van Gesondheid se vereistes, te dra. Geen "buffs" word ongelukkig toegelaat nie.

Daar is verskeie maniere wat ons u kind en die personeel by die skool gaan beveilig.

- Personeel en leerders is verantwoordelik vir die gereelde ontsmetting van hulle persoonlike ruimte.
- Groot byeenkomste by die skool soos saalopeninge, vierkantopeninge, sportbyeenkomste, ensovoorts, sal binne die voorskrifte van die matreëls plaasvind.
- Sosiale afstand sal gehandhaaf word en fisiese kontak of aanraking (handdruk of drukkie) sal nie toegelaat word nie.
- Die skool sal gereeld ontsmet word, met klem op hoërisiko-oppervlakke soos trapelings, deurhandvatsels en badkamers.
- Daar sal 'n daaglikse skoonmaakprogram met spesifieke chemikalieë wees en spesifieke prosesse sal gevolg word.

☎ 012 332 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134

🖱 www.htsjohnvorster.online

- Sosiale afstand sal gehandhaaf word en fisiese kontak of aanraking (handdruk of drukkies) sal nie toegelaat word nie.
- Die skool sal gereeld ontsmet word, met klem op hoërisiko-oppervlakke soos traprelings, deurhandvatsels en badkamers.
- Daar sal 'n daaglikse skoonmaakprogram met spesifieke chemikalieë wees en spesifieke prosesse sal gevolg word.
- Die skool sal elke dag om 7:40 begin en om 14:00 sluit. Tref asseblief reëlins dat u kind onmiddellik na die skoolsluiting afgehaal word, aangesien die skoolterrein gesluit sal word vir die sanitering van die geboue en die terrein.
- Sodanige reëlins sal vir die onderskeie grade deurgegee word sodra hierdie grade terugkom skool toe
- Die skoolhek sal om 07:30 sluit. Arriveer asseblief reeds vanaf 06:50, om te verseker dat alle veiligheidsprosedures gevolg kan word voordat die skooldag begin
- 'n 1 meter-afstand sal sover moontlik in klasse tussen leerders, onderling, sowel as personeel, gehandhaaf word.
- Daar sal geen druk wees om 100%-teenwoordigheid te handhaaf nie. (Die skoolbeleid gaan aangepas word.) U kan mev. Kritzinger kontak rakende die verskillende opsies.
- Leerders en personeel wat siek voel, MOET tuis bly. Hulle moet vir Covid 19 getoets word en ook die skool hieroor in kennis stel.
- Stigmatisering sal deur deeglike inligtingsessies bekamp word.
- Alle personeel en leerders se temperatuur sal soggens by die skoolhek gemonitor word.

Prosedures wat gevolg moet word indien iemand siek is.

- Leerders en personeel wat by die skool siek word of siek by die skool opdaag, sal so gou as moontlik huis toe gestuur word.
- Leerders en personeel wat by die skool siek word, sal na die isolasielokaal, apart van gesonde leerders en personeel, gestuur word en moet so gou moontlik huis toe gaan.
- Leerders en personeel wat siek by die skool opdaag, sal toegang tot die skoolterrein geweier word en leerders sal gevra word om onmiddellik met hul ouers in kontak te kom om hom/haar te kom haal. Personeel sal gevra word om self huis toe te gaan. Die Covid 19-noodnommer sal in die geval van beide moontlike situasies in kennis gestel word. **Die nommer is: 0800 029 999.**
- Onthou dat dit nie van skole verwag word om COVID 19-gevalle te identifiseer nie. Die meerderheid asemhalingsiektes is nie COVID 19 nie.

Daar moet oop en eerlike kommunikasie tussen die huis/gemeenskap en die skool wees.

- Siek personeel en leerders moet by die skool en die Departement van Gesondheid aangemeld word - dit is die wet. Mense wat siek word, se kontak met ander individue moet nagevolg kan word om die virus sover moontlik te bekamp. U samewerking om ons gemeenskap te beskerm, is absoluut noodsaaklik.
- Dit is ouers en personeel se verantwoordelikheid om navrae so volledig moontlik te beantwoord.
- Enige nuwe inligting wat die skool ontvang, sal so spoedig moontlik aan ons gemeenskap gekommunikeer word.

☎ 012 332 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134



Gesondheids- en higiëne-opleiding.

- Spesifieke opleiding sal aan alle personeel, ouers en leerders oor die skool se higiëneprogram gegee word.
- Ons mentorspan is beskikbaar vir emosionele ondersteuning ten op sigte van vrese, angs en onsekerhede.
- Daar sal spesifieke higiëne-opleiding vir die verskillende grade wees.

Kontrolelys vir die skool.

- 'n Skoonmaakprogram vir personeel en leerders.
- Gereelde vullisverwydering.
- Die identifisering van hoërisiko-oppervlakke soos telefone, deurhandvatsels, badkamers, deurrame, elektroniese apparatuur (sleutelborde in sentrums) en meubels (tafels en stoele in klaskamers).
- Medici sê goeie ventilasie in klaskamers is belangrik.
- Plakkate rakende COVID 19 en goeie higiëniese praktyke sal oral sigbaar wees.
- 'n Ondersteuningsnetwerk vir personeel en leerders wat siek is, sal geskep word. Ons verwys na emosionele sowel as akademiese ondersteuning.

Kontrolelys vir die skoolgemeenskap.

- Watter mense is hoërisiko? Dit word bepaal deur:
 - waar jy werk,
 - die hoeveelheid mense met wie jy in kontak kom,
 - hoe gereeld jy reis,
 - is daar mense by wie jy bly wat reeds positief getoets is?
- Wat is die simptome?
 - Verkoue- of griepsimptome: soos koors, loopneus en hoë. Braking en diarree is ook aangemeld.

Skoolbywoning.


Alhoewel ons versoek dat leerders wat enigsins simptome toon by die huis moet bly, is dit noodsaaklik dat die gesonde leerders wel skool toe kom. Leerders moet asseblief nie onnodig wegby nie. Leerders wat medies afgeboek is as gevolg van Covid 19, sal deur die skool met die akademie ondersteun word.

Kontrolelys vir leerders.

- Moenie probeer om probleme, vrese of siekte alleen te hanteer nie - vra vrae en meld dit aan. Vertel vir iemand as jy siek is. Moet dit nie 'n geheim hou nie, dit is nie 'n skande nie.
- Beskerm jouself en aanvaar verantwoordelik vir jou eie gesondheid.
- Stel 'n voorbeeld vir ander leerders en wees 'n leier.
- Daar mag geen stigmatisering van siek leerders plaasvind nie. Dit sal soos boelie deur die skool hanteer word.
- Sosialisering op sosiale media moet nou inspirerend en bemoedigend wees.
- Dit sal ook een van die rolle van ons skool se bemarker wees

☎ 012 332 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134



Strategie van die skool met die uitbreek van COVID 19 in die skool.

- Daar sal onmiddellik kommunikasie tussen die skool en die ouerhuis wees.
- Die betrokke partye sal dadelik op eie koste getoets moet word.
- Die betrokke partye sal vir tien dae in selfkwarantyn/isolasie moet gaan.
- Die betrokke partye moet dadelik 'n volledige lys van mense met wie hy/sy in kontak was, verskaf.

Maak kontak met die bure of gemeenskap.

- Die skool sal die noodnommers van al die relevante owerhede, hospitale en departemente beskikbaar stel. (Sien ondersteuningsnetwerk)
- Die bestuur van die skool het nie die outoriteit om die skool te sluit indien daar 'n Covid 19-uitbreking is nie. Dit is die verantwoordelikheid van die Departement van Gesondheid.


Skool se ondersteuningsnetwerk.

- Beheerliggaam van Die Hoër Tegnologiese Skool John Vorster
- Ons skool se ouergemeenskap
- Gauteng Departement van Onderwys
- Nasionale Departement van Gesondheid (012 395 8000)
- The National Institute For Communicable Diseases (NICD) (0800 029 999)
- Presidential Hotline (17737)
- Life Eugene Marais Hospitaal (012 334 2777)
- SAPS Villieria (012 403 8600)
- Dr Annalize Green (skoolsielkundige)

Volg die nodige prosedure met 'n siek persoon in die huis.

- Help die siek persoon om die betrokke dokter se instruksies vir versorging en medisyne te volg.
- Hou die telefoonnommer van die dokter byderhand.
- Vir die meeste mense duur die simptome 'n paar dae en voel hulle na 'n week beter.
- Sorg dat die siek persoon baie vloeistowwe drink en rus.
- Oorweeg dit, indien moontlik, om die benodigde items deur 'n afleweringdiens te laat aflewer.
- Sorg vir die persoon se troeteldier(e) en beperk die kontak tussen die siek persoon en sy of haar troeteldiere, indien moontlik.
- Wees op die uitkyk vir waarskuwingstekens:
 - skakel die dokter as die persoon steeds sieker word.
 - vir mediese noodgevalle, skakel 911 en sê dat die siek persoon COVID 19 het of moontlik kan hê.
 - mense wat noodwaarskuwingstekens vir COVID 19 ontwikkel, moet dadelik 911 of 0800029 999 skakel.
 - *Noodwaarskuwingstekens sluit in:
 - probleme met asemhaling: Kort van asem of asemnood.
 - aanhoudende pyn of druk in die bors.
 - verwarring of onvermoë om wakker te word.
 - blougerige lippe of gesig.
 - kouekoors.
 - seerkeel.
 - verlies van smaak- en reukvermoë.
 - hoofpyn en lyfseer.
 - LET WEL: DIT IS NIE AL DIE NOODSIMPTOME OF TEKENS NIE.

 Meyerstraat 1072, Rietfontein  Posbus 31714, Totiusdal, 0134



- Beskerm jouself as jy iemand wat siek is, versorg.
 - **COVID 19 versprei tussen mense wat in noue kontak kom** (binne ongeveer 2 meter)
 - deur druppels wat ontstaan as iemand praat, hoës of nies.
 - Die **versorger** moet, indien moontlik, nie iemand wees wat 'n hoërisiko is vir 'n ernstig siekte soos COVID 19 nie.
 - **Gebruik 'n aparte slaapkamer en badkamer:** Laat die siek persoon sy of haar eie "siekkamer" of omgewing weg van ander mense hê, indien moontlik. Laat die siek persoon, indien moontlik, ook 'n aparte badkamer gebruik.
 - **Gedeelde ruimte.**
As julle die ruimte moet deel, maak seker dat die kamer goeie lugvloei het. Maak die venster oop en skakel 'n waaier aan (indien moontlik) om lugsirkulasie te verhoog. Die verbetering van ventilasie help om asemhalingsdruppels uit die lug te verwyder.
 - **Vermyn besoekers.**
Vermyn onnodige besoekers, veral besoeke van mense wat 'n groter risiko vir ernstige siektes is.
 - **Eet in aparte kamers of areas.**
Die persoon wat siek is, moet, indien moontlik, in sy kamer eet (of gevoed word).
 - **Was skottelgoed met handskoene en warm water.**
Hanteer alle eetgerei (bekers, glase, borde, messe, vurke en lepels) wat deur die siek persoon gebruik word, met handskoene. Was dit met seep en warm water, of in 'n skottelgoedwasser.
 - **Was jou hande deeglik** nadat jy die handskoene uitgetrek of gebruikte voorwerpe hanteer het.
 - **Moenie deel nie.**
Moenie eetgerei (bekers, glase, borde, messe, vurke en lepels), handdoeke, beddegoed of elektronika met die siek persoon deel nie.

Volg die nodige prosedure wanneer 'n persoon wat siek was, gesond geword het:

Volgens beskikbare voorlopige gegewens is die gemiddelde tydperk van die begin tot die kliniese herstel vir ligte gevalle ongeveer twee weke, terwyl ernstige gevalle drie tot ses weke duur.

Wanneer kan leerders terugkom skool toe?

- Leerders moet TIEN dae by die huis bly as hulle simptome begin toon of positief getoets is.
- 'n Leerder wat positief getoets het, moet die toetsresultate vir mev Hattingh stuur.
- Na tien dae, of as die leerder geen simptome meer toon nie, mag die leerder terugkom skool toe

Hantering van besoekers by die skool (sluit ouers in):

Almal wat die terrein betree, moet aan dieselfde voorsorgmaatreëls onderwerp word om ons hele gemeenskap te beskerm. Dus sal die volgende prosedure geld:

- geen besoeker sal op die terrein toegelaat word, sonder 'n vooraf bevestigde afspraak nie.
- 'n afspraak kan deur middel van 'n L6-vorm twee dae voor die spesifieke afspraak, by mev. Roos in die algemene kantoor gemaak word – persone sal vir slegs noodgevalle op die terrein toegelaat word.

☎ 011 32 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134



- besoekers se temperatuur sal by die hek gemonitor word. Ons sekuriteitswagte sal opgelei wees om dit te hanteer.
- besoekers se hande sal met 'n ontsmettingsmiddel by die hek ontsmet word.
- besoekers sal verplig word om maskers te dra.
- besoekers moet in die algemene kantoor gaan inteken.

SKOOLPRAKTYK EN COVID 19

Gesigmaskers:

Die skoolbestuur en beheerliggaam het 'n statutêre verpligting om te verseker dat ons hele skool beveilig is en alle prosedures deurdag en verantwoordelik bestuur word. Die dra van maskers in die openbaar is vanaf 1 Mei 2020 verpligtend. Die Wêreldgesondheidsorganisasie het 'n sekere standaard gestel waaraan 'n masker moet voldoen om as veilig en effektief gekenmerk te word. Dit is die ouer se verantwoordelikheid om toe te sien dat die masker voldoen die bogenoemde standaarde.

Die dra van "buffs" is ongelukkig teen ons skoolreëls.

Persoonlike sanitasie/higiëne.

Daar sal van elke leerder verwag word om sy eie bottel handontsmettingsmiddel te hê vir eie gebruik. Personeel sal ook leerders se hande saniteer voor hul in die klas gaan.

Bestuur van pouses.

Alle leerders moet voor skool en tydens pouse op die A- en B-rugbyveld wees. Sosiale afstand moet gehandhaaf word en maskers moet steeds gedra word, wanneer daar nie geëet word nie.

Daaglikse ontvangs by die skoolhek.

Geen samedromming van personeel/leerders mag by enige skoolhek plaasvind nie.

REËLINGS VAN WAAR U KIND IN DIE SKOOLTERREIN MOET INKOM EN WAARHEEN HY/SY DAN MOET GAAN, SAL AAN U DEURGEËE WORD

- 'n Leerder sonder 'n masker sal nie op die skoolterrein toegelaat word nie.
- Leerders sal ook die Covid 19-vrae gevra word om te verseker dat daar nie enige simptome teenwoordig is nie.
- Leerders se hande sal ontsmet word.
- Indien 'n leerder enige simptome van Covid 19 toon, bv. koors het, sal die leerder gevra word om in die afgebakende isolasiegedeelte in die lapa te gaan wag totdat die personeel lid aan diens, verder met hom/haar kan kommunikeer. Die leerder se ouers/voogde sal onmiddellik geskakel word om hom/haar te kom haal en sodanige leerder sal nie verder op die skoolterrein toegelaat word nie.
- Vra asseblief u kind om rustig en op 'n ordelike manier geduldig te wag om by die terrein in te kom.
- Personeel kom by die hoofhek in Meyerstraat in die skoolterrein in en word in die ingangsportaal geskandeer en hul hande ontsmet word.
- Personeel met enige Covid 19-simptome, sal onmiddellik gevra word om die skoolterrein te verlaat.

☎ 012 332 1760 ✉ info@htsjv.co.za

📍 Meyerstraat 1072, Rietfontein 🚌 Posbus 31714, Totiusdal, 0134

COVID 19-kommunikasie by die skool.

Die belangrikste manier om ons gemeenskap teen die virus te beveilig, is om te verseker dat goeie higiëniese gewoontes gevestig word. Dit sal net gebeur as ons skoolgemeenskap permanent die goeie gewoontes sien. Plakkate sal in die klaskamers en in die gange van die skool aangebring word om ons skoolgemeenskap deurentyd daaraan te herinner. Plakkate sal onderwerpe hanteer soos:

- Was jou hande gereeld en deeglik.
- Oppervlakke wat vermy moet word.
- Fisiese kontak word belet.
- Handhaaf 'n veilige sosiale afstand.
- Hoes en nies in jou elmboog.
- Volg die prosedure van hoe om in 'n klas in te gaan en wat om dan te doen.

Reis.

Onthou om dit, sover moontlik, te vermy om te reis. Indien u nie 'n keuse het nie, tref asseblief al die nodige veiligheids- en voorsorgmaatreëls.

Elkeen van ons personeel, ouers en leerders het die verantwoordelikheid om ons gemeenskap te beskerm. U beskerm nie net u kind met u keuses nie, maar u beskerm ook elke ander persoon wat deel van die skoolgemeenskap is.

Baie dankie vir u sorgsame samewerking en lojaliteit aan die skoolgemeenskap.

Vriendelike groete.



A DOWD
HOOF



☎ 012 332 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134



Hoof

☎ 012 332 1760 ✉ info@htsjv.co.za

📍 Meyerstraat 1072, Rietfontein 📮 Posbus 31714, Totiusdal, 0134

🖱 www.htsjohnvorster.online

